

政和五禮新儀

二七



欽定四庫全書

政和五禮新儀卷一百十四

吉禮

皇帝朝獻景靈宮儀

時日

齋戒

陳設

朝獻景靈東宮

朝獻景靈西宮

時日

前期太常寺具孟春之月九日十日朝獻景靈宮

孟秋
孟冬

之日以十五十六十七日若孟夏之月則太常寺預
于春季闕太史局擇日太史局擇日報太常寺申奏具

時日散告

齋戒

前期朝獻一日皇帝齋福寧殿御勤政殿視事如常惟
不弔喪問疾作樂有司不奏刑殺文書其行事執事前

導官齋于本司視事如故宿于本司惟不判書刑殺文
書及行刑罰

陳設

前期殿中監帥其屬尚舍張設于齋殿之內外張御幄

于天興殿東南向神御殿即于殿東南向陳香案及供奉之物于

聖像前神御殿即于神御前又設皇帝褥位于香案之前南北向

朝獻日未行事前東上閣門御史臺設祭文武官位于

殿庭北向

朝獻景靈東宮

朝獻日質明內東門開鳴鞭行門禁衛諸班親從等諸

司祇應人員以下各自贊常起居次知客省事次樞密

都承旨

待制正征以充樞密都副承旨即隨宰相以下班

知內侍省以下帶御

器械官六尚局舍應奉官祇應通侍大夫以下武功大

夫以下及當庫務文臣一班常起居皇帝常服出內東

門即御座宰相親王以下應從駕臣僚一班次管軍臣

僚貯廊下並常起居皇帝乘車鳴鞭車行執毬仗使臣

分東西相向常起居皇帝車出宣德門將至宮燒香官

執事官前導及助祭之官奉迎于宮門外再拜皇帝由

昌福門入西宮則由昭德門入至齋殿降輦東上閣門官前導至

天興殿御幄簾降初乘輿將入昌福門禮直官太常博

士太常卿于御幄前東向立東上閣門官相向立禮直

官引執事升殿于香案前東西對立神御殿執事官于香案前西向東

上閣門御史臺太常寺分引文武助祭官入詣天興殿

庭北向位立定皇帝至御幄東上閣門報班齊禮直官

太常博士次引太常卿詣御幄前凡太常卿奏詣皆太常博士禮直官引

俛伏跪奏太常卿臣某言請皇帝行朝獻之禮奏訖俛

伏興太常卿奏禮畢准此簾卷太常卿東上閣門官太常博士禮

直官前導皇帝詣殿上褥位北向立凡行禮皆太常卿東上閣門太常博

士禮直官前導至位即分立于左右太常卿奏請再拜皇帝再拜內三位神御者

即每位再拜贊者曰再拜在位官皆再拜內侍奉香太常卿

奏請上香再上香三上香內侍以茶授執事官太常卿

奏請跪進茶神御殿即奠茶執事官奉進皇帝獻訖神御殿即奠訖以

授執事官置于聖像前

神御即以授執事官

皇帝進酒再進酒三

進酒如進茶之儀

神御殿即三奠酒

執事退先詣保寧閣香案

前以俟太常奏請俛伏興又奏請再拜皇帝再拜贊者

曰再拜在位官皆再拜太常卿前導皇帝還御幄簾降

太常卿奏請禮畢退復位助祭者先詣保寧閣北向立

皇帝詣保寧閣次詣天興殿次詣太始殿次詣皇武殿

次詣儷極殿次詣大定殿次詣輝德殿次詣熙文殿次

詣行慶殿次詣美成殿次詣繼仁殿次詣治隆殿次詣

徽音殿朝獻並如上儀皇帝還齋殿少頃乘輿還內如
來儀

朝獻景靈西宮

前朝獻質明皇帝常服自內東門乘輿詣西宮朝獻大
明殿次詣神元殿次詣重光殿朝獻訖還內並如東宮

之儀

孟夏孟秋孟冬一日朝獻至天興殿至輝德
殿至熙文殿至徽音殿又次日朝獻內宮

政和五禮新儀卷一百十四

欽定四庫全書

政和五禮新儀卷一百十五

吉禮

坊州朝獻聖祖儀

時日

齋戒

陳設

省饌

行事

時日

太常寺前期以仲春擇日朝獻聖祖天尊大帝仲秋准此闕

太史局太史局擇日報太常寺太常寺參酌訖具時日

下本州

齋戒

前朝獻十日應行事執事官散齋七日治事如故宿于

正寢不弔喪問疾作樂判書刑殺文書決罰罪人及與

穢惡致齋三日二日于廳事惟朝獻事得行其餘悉禁
前朝獻一日質明俱赴祠所齋舍朝獻官已齋而闕者
通攝行事

陳設

前朝獻三日有司設行事執事官次于廟門外隨地之

宜朝獻日丑前五刻執事者陳幣篚各于神位之左

幣以

蒼青詞于神位之右

配位即陳祝版

置于坵次設祭器皆藉以

席常饌者實之正配位各左十有二邊為三行以右為

上 第一行形鹽在前梨糗餌粉饗次之第二行榛實在前乾桃乾榛乾棗次之第三行菱在前芡栗乾桃次

之 右十有二豆為三行以左為上 第一行芹菹在前荀菹菁菹葵菹次之第

二行 羹在前麩筋栲脯薺脯次之第 三行配食在前瓜韭醬粉食次之 俎二一在邊前一

在豆前 實以乳餅 簋二簋二在邊豆外二俎間簋在左簋在

右 簋實以稻梁梁在稻前 設太尊五山尊五為二重在 簋實以黍稷稷在黍前

堂上東南隅北向上 配位即于位 太尊在前皆有坫加 酒尊之東

勺冪為酌尊 太尊一實明水為上尊餘實泛齊初獻酌 之山尊一實明水為上尊餘實醴齊亞終

獻酌 又設太尊二山尊二在神位前 太尊一實盞齊山 尊一實醴齊各以

一尊實
明水

著尊二犧尊二象尊二壺尊六在殿下

著尊一實盞齊

犧尊一實醴齊象尊一實沉齊各以一尊實明水壺尊三實玄酒三實三酒明水玄酒皆在上

俱北向

西上加冪五齊三酒皆設而不酌有司設燭于神位前

洗二于東階下直東雷北向

盥洗在東爵洗在西

壘洗在東加勺

篚在洗西南肆實以巾

若爵洗之篚則又實以爵加坩

執壘篚者位于

其後設揖位于廟南門外初獻在西東向亞終獻及祝在

東西向北上

祝位稍却

積燎柴于廟之東南設望燎位于燎

柴之北三獻官在北南向東上祝位在西東向又設三

獻官席位于殿下東階東南西向北上設祝席位于庭中北向又設祝位于殿上前楹東西向

省饌

前朝獻一日朝獻官以下常服閱饌物詣厨視滌器滌溉訖還齋所晡後所司掃除殿之上下

行事

朝獻日丑前五刻行事春用丑時七刻秋用丑時一刻行事執事官入就

次饌者帥其屬設饌具凡行事執事官皆贊禮者引初獻

引升自東階凡行事執事官升降皆自東階點視陳設退就次各服祭

服次引獻官以下詣南門外揖位立定贊禮者贊揖次

引太祝入就殿下席位北向立次引三獻官入就殿下

席位西向立贊禮者詣初獻之右贊請行事贊再拜在

位者皆再拜次引太祝升殿就位立定次引初獻詣盥

洗位北向立搯笏盥手帨手執笏升殿詣聖祖座前北

向立搯笏跪次引太祝搯笏西向跪執事者以幣授太

祝太祝奉幣授初獻訖執笏與先詣配位前立初獻受

幣奠訖執笏俛伏興少退再拜詣配位前奠幣並如上儀訖俱退復位少頃引初獻再詣盥洗位北向立搢笏盥手悅手訖執笏次詣爵洗位北向立搢笏洗爵拭爵訖以爵授執事者執笏升詣正位酌尊所執事者以爵授初獻初獻搢笏執爵執尊者舉冪執事者酌太尊之泛齊初獻以爵授執事者執笏詣聖祖座前北向立搢笏執事以爵授初獻初獻執爵三進酒執笏俛伏興少退北向立次引太祝詣聖祖座前東向搢笏跪讀青詞

讀訖執笏興先詣配位前立初獻再拜次詣配位酌獻

並如上儀

惟三祭酒

俱復位次引亞獻詣盥洗位北向立搢

笏盥手悅手執笏詣爵洗位北向立搢笏洗爵拭爵以

爵授執事執笏升詣正位酌尊所西向立執事者以爵

授亞獻亞獻搢笏執爵執尊者舉冪執事者酌山尊之

醴齊亞獻以爵授執事者執笏詣聖祖座前北向立搢

笏跪執事者以爵授亞獻亞獻執爵三進酒執笏俛伏

興少退再拜次詣配位並如上儀

惟三祭酒

降復位次引終

獻詣洗及升殿行禮並如亞獻之儀降復位贊禮者曰
賜福酒再拜在位者皆再拜次引初獻以下就望燎位
執事者詣聖祖座前取幣及青詞祝版置于燎柴贊禮
者曰可燎火燎半柴次引初獻以下詣南門外揖位立
贊禮者贊禮畢揖訖退有司監徹禮饌闔戶以降乃退

政和五禮新儀卷一百十五

欽定四庫全書

政和五禮新儀卷一百十六

吉禮

春秋二仲薦獻諸陵儀

時日

齋戒

受香表

陳設

省饌

行事

時日

太常寺前期以仲春擇日薦獻諸陵仲秋關太史局太

准此

史局擇日報太常寺參酌訖具時日散告

齋戒

獻官以下公路宿于驛舍或沿途官廨或觀寺不吊喪問疾作樂

決罰罪人及與穢惡至陵宿于齋所惟薦獻事得行其

餘悉禁前一日質明應行事執事陪位官並齋于陵所
陵給酒饌獻官已齋而却者通攝行事

受香表

前期太常寺卿奉香表至鞏縣驛以香表置于腰輿諸
陵獻官以次從行至昉孝禪院禮直官引香表腰輿置
于堂上贊者引諸陵獻官于堂上東向立禮直官引太
常卿升堂西向立禮直官贊揖次贊者引永安陵獻官
稍前東向對立贊者以表授太常卿太常卿搢笏接表

執笏以表加于笏上禮直官贊者各俛伏跪太常卿受
笏以表授永安陵獻官獻官搯笏接表訖各執笏獻官
加表于笏上禮直官贊各俛伏興贊者引獻官退省視
香表訖復置于腰輿從行至陵所次引諸陵獻官授香
表如上儀

陳設

前一日都監常服帥其屬詣陵闕宮殿門升殿行掃除
于上降行掃除于下設神御座于殿上當中南面向

惟永

安陵則設宣祖皇帝座稍西又設昭憲皇帝座于宣祖皇帝之東俱南向陳香案及供奉之

物于座前訖闔宮殿門

永昌陵則先詣太祖皇帝陵陳設畢次詣孝惠皇后孝明皇后

孝章皇后陵永熙陵則先詣太宗皇帝陵陳設畢次詣德皇后懿德皇后明德皇后元德皇后陵永定陵則先

詣真宗皇帝陵陳設畢次詣章懷皇后章穆皇后章憲明肅皇后章懿皇后陵永昭陵則先詣仁宗皇帝陵陳

設畢次詣慈聖光獻皇后陵永厚陵則先詣英宗皇帝陵陳設畢次詣宣仁聖烈皇后陵永裕陵則先詣神宗

皇帝陵陳設畢次詣欽聖憲肅皇后欽成皇后欽慈皇后惠恭皇后陵陳設並如上儀 又設獻官

以下次于門外薦獻日行事前陳表于案上在右

惠恭皇后

陳祝文 設揖位于殿門外獻官陪位官在西東向監視禮

事官太祝在東西向俱北上

凡設陪位官太祝位皆稍却

置燎柴於

爐內設望燎位于其北獻官陪位官在北南向西上監視禮事官在西東向太祝在東西向又設獻官席位于階東陪位官席位又于其南俱西向北上設監視禮事席位于庭南北向太祝在其後又設獻官位于香案之北前向監視禮事官位于香案之西東向太祝位于香案之西東向

省饌

前一日獻官以下常服並集獻官齋所肄儀太祝習讀
表文訖獻官詣厨閱饌物省鑊視滌漑晡後都監帥其
屬臨造神饌

行事

薦獻日質明獻官以下常服並詣陵南門外就次奉饌
者各陳于外都監帥其屬闕宮殿門進饌者設饌具畢
都監還監視禮事官先入升殿點閱陳設糾察不如儀
者次禮直官贊者禮生分引獻官以下詣殿門外揖位

立定

凡太常卿行事禮直官引詣陵
獻官行事贊者引餘皆禮生引

禮直官贊揖訖

諸陵

並同贊
者准此

次引監視禮事官太祝入就殿庭席位北向立

次引獻官陪位官入就殿庭席位西向立禮直官詣獻

官之右贊請行事贊再拜在位者皆再拜次引監視禮

事官太祝升就位次引獻官詣神御香案前執事者奉

香獻官搯笏三上香執事者奉茶酒獻官跪執醎酌茶

三祭酒皆以虛醎授執事者執笏俛伏興少退立太祝

搯笏取表進詣神座右東向跪讀訖執笏興置表於案

惠恭皇后陵

即讀祝文

獻官再拜俱降復位

惟永安陵詣宣祖皇帝神御香案前行禮

畢次詣昭憲皇后神御香案前行禮畢並如上儀

禮直官曰再拜在位者皆再

拜次引獻官以下就望燎位執事者取表置于燎柴

惠恭

皇后陵即取祝文置

次引監視禮事官太祝就望燎位禮直官曰

可燎火燎半柴獻官以下詣殿門外揖位立定禮直官

贊禮畢揖訖退有司徹禮饌監視禮事官監視收徹訖

退

永昌陵先詣太祖皇帝陵行事畢次詣孝惠皇后孝明皇后孝章皇后陵永熙陵先詣太宗皇帝陵行禮

畢次詣淑德皇后懿德皇后明德皇后元德皇后陵永安陵先詣真宗皇帝行禮畢次詣章懷皇后章穆皇后

章憲明肅皇后章懿皇后陵永昭陵先詣仁宗皇帝陵
 行禮畢次詣慈聖光憲皇后陵永原陵先詣英宗皇帝
 陵行禮畢次詣宣仁聖烈皇后陵永裕陵先詣神宗皇
 帝陵行禮畢次詣欽聖憲肅皇后陵成皇后陵欽慈皇后
 惠恭皇后陵行
 禮並如上儀
 太常卿徧詣諸陵及下宮朝拜訖周視

陵城

應合掃除芟薙
修治隨事處分

乃退

政和五禮新儀卷一百十六

欽定四庫全書

政和五禮新儀卷一百十七

吉禮

進獻諸陵上宮儀

時日

陳設

省饌

行事

時日

諸陵有司以元日中元冬至日節進獻上宮

陳設

前一日都監常服帥其屬詣陵闕宮殿門升殿行掃于

上降行掃除于下降設神御座于殿上當中南面向惟永

安陵則設宣祖皇帝座于殿上稍西又設昭憲皇后座于宣祖皇帝之東俱南向陳香案及供

奉之物于座前訖闔宮殿門永昌陵則先詣太祖皇帝陵陳設畢次詣孝惠皇后

孝明皇后孝章皇后陵永熙陵則先詣太宗皇帝陵陳設畢次詣淑德皇后懿德皇后明德皇后元德皇后陵

永定陵則先詣真宗皇帝陵陳設畢次詣章懷皇后章穆皇后章獻明肅皇后章懿皇后章惠皇后陵永昭陵則先詣仁宗皇帝陵陳設畢次詣慈聖光獻皇后陵永原陵則先詣英宗皇帝陵陳設畢次詣宣仁聖烈皇后陵永裕陵則先詣神宗皇帝陵陳設畢次詣欽聖憲肅皇后欽成皇后欽慈皇后惠恭皇后陵並如上儀進獻日行事前設都監位于庭北向又設望燎位于門外都監南向香火內侍位其後

省饌

前進獻一日都監常服閱饌物詣厨省鑊視滌漑晡後帥其屬臨造神饌

行事

進獻日質明都監以下常服帥其屬詣陵闕宮殿門以

俟陳設畢奉饌者各陳于外進饌者序入都監香火內

侍入就位再拜升殿都監詣香案前搢笏三上香執笏

少退再拜搢笏進湯次進酒饌恭奠于座前執笏侍于

側俟進酒饌畢徹酒再酌酒進次味至少移故處並香火內侍供應惟永安陵則先詣宣祖皇帝神御香案

前搢笏三上香執笏少退再拜訖次詣昭獻皇俟酌獻

后神御香案前上香拜訖次逐位進湯進酒饌畢進表無即不進少頃進茶訖徹饌洒熄香火俱降復位再

拜出詣望燎位視燎畢闔宮殿門乃退

永昌陵則先詣太祖皇帝陵行

禮畢次詣孝惠皇后孝明皇后孝章皇后陵永熙陵則先詣太宗皇帝陵行禮畢次詣淑德皇后懿德皇后明德皇后元德皇后陵永定陵則先詣真宗皇帝陵行禮畢次詣章懷皇后章穆皇后章獻明肅皇后章懿皇后陵永昭陵則先詣仁宗皇帝陵行禮畢次詣慈聖光獻皇后陵永原陵則先詣英宗皇帝陵行禮畢次詣宣仁聖烈皇后陵永裕陵則先詣神宗皇帝陵行禮畢次詣欽聖憲肅皇后欽成皇后欽慈皇后惠恭皇后陵行禮畢並如上儀

政和五禮新儀卷一百十七

欽定四庫全書

政和五禮新儀卷一百十八

吉禮

進獻諸陵下宮儀

時日

陳設

省饌

行事

時日

諸陵有司以元日冬至寒食節第二第三日上元節等
 前後各一日中元節前一日立春二月二日春社上巳
 重午初伏七夕秋社中秋望日重陽下元節臘朔望各
 一日進獻下宮

陳設

前一日都監常服帥其屬闕宮寢門設神御座南向

永安

陵設宣祖皇帝座當寢殿又設昭憲皇后座于其西永
 昌陵設太祖皇帝座當寢殿又設孝惠皇后座于其西

孝明皇后座于其東孝章皇后座于孝惠皇后之西永
熙陵設太宗皇帝座當寢殿又設淑德皇后座于其西
懿德皇后座于其東明德皇后座于淑德皇后之西元
德皇后座于懿德皇后之東永定陵設真宗皇帝座當
寢殿又設章懷皇后座于其西章穆皇后座于其東章
獻明肅皇后座于章懷皇后之西章懿皇后座于章穆
皇后之東永昭陵設仁宗皇帝座當寢殿又設慈聖光
獻皇后座于其西永原陵設英宗皇帝座當寢殿又設
宣仁聖烈皇后座于其西永裕陵設神宗皇帝座當寢
殿又設欽聖憲肅皇后座于其西欽成皇后座于其東
欽慈皇后座于欽聖憲肅皇后之西永
恭陵設哲宗皇帝座當寢殿俱南向

陳供奉之物于

座前訖闔寢宮門進獻日行事首設都監位于庭北向

香火內侍位其後

焚獻者仍設望燎位于門外都監南向
向香火內侍位其後惟永定陵都監

先詣真宗皇帝下宮陳設畢帥其屬詣章惠皇后陵闕
 宮殿門升殿行掃于上降行掃除于下訖設神御座于
 殿上當中南面陳香案及供奉之物于座前訖闕宮殿
 門設行事望燎位同上儀永裕陵下宮惠恭皇后位陳
 設並如諸陵
 下宮之儀

省饌

前進獻一日都監常服閱饌物詣厨省鑊視滌濯晡後

帥其屬臨造神饌若七夕中元節冬至日前一日造饌

行事

進獻日質明若七夕中元節前一日即未後都監以下常服帥其屬闕

寢宮門以俟陳設畢奉饌者各陳于外進饌者序入都
監香火內侍入就位再拜升自東階由殿後詣神御室

卷簾褰帳都監詣香案前搢笏三上香執笏少退再拜

逐位再拜詣每位神御前永安陵詣宣祖皇帝次詣昭憲皇
后永昌陵詣太祖皇帝次詣孝惠

皇后孝明皇后孝章皇后永熙陵詣太宗皇帝次詣淑
德皇后懿德皇后明德皇后元德皇后永定陵詣真宗

皇帝次詣章懷皇后章穆皇后章獻明肅皇后章懿皇
后永昭陵詣仁宗皇帝次詣慈聖光獻皇后永原陵詣

英宗皇帝次詣宣仁聖烈皇后永裕陵詣神宗皇帝次
詣欽聖憲肅皇后欽成皇后欽慈皇后永泰陵詣哲宗

皇帝搢笏進湯次進酒饌恭奠于座前執笏侍于側侯進
酒饌

畢徹酒再酌酒進次味至少
移故處並香火內侍供應

俟酌獻畢進表

無即不進少頃

進茶訖徹饌洒熄香火下幃簾闔牖戶俱降復位再拜

以出

焚獻香詣望燎位執燎

闔宮門乃退

若永定陵則都監先詣真宗皇帝下宮行禮畢

帥其屬詣章惠皇后陵闔宮殿門以俟降設訖行禮並
如上儀闔宮殿門訖退永裕陵則都監先詣神宗皇帝

下宮行禮畢帥其屬詣惠
恭皇后位行禮並如上儀

政和五禮新儀卷一百十八

欽定四庫全書

政和五禮新儀卷一百十九

吉禮

薦新諸陵儀

時日

陳設

省饌

行事

時日

每月陵所遇有新物薦獻下宮

孟春以韭菹茵陳卵仲春以水鳧芘季春以荀

蒲白酪煮酒藕鮪魚如鮪魚闕代以鮪脯孟夏以含桃

李茶麥仁承仲夏以黍鷄鷄衣杏林禽季夏以菱芡通

蓬孟秋以黍稷棗梨蒲菊仲秋以麻稻醴酒鶉季秋以

白小豆兔栗榴栲栳孟冬以馬山藥仲冬以麇橘橙柑

季冬以魚

酢仲春薦

陳設

前薦新一日有司具新物詣陵所都監常服帥其屬闕

寢宮門設神御座如儀及陳供奉之物於座前訖闔宮

門薦新日未行事前設都監位於庭北向香火內侍位

其後

惟永定陵都監先詣真宗皇帝下宮陳設畢帥其屬詣章懿皇后陵闕宮殿門升殿行掃除於上降

行掃除於下訖設神御座於殿上當中南向陳香案及供奉之物於座前訖闔宮殿門設行事位如上儀

省饌

前薦新一日都監常服閱薦物視滌漑應饌者詣厨省饌以時帥其屬臨造

行事

薦新日質明都監常服帥其屬闕寢宮門以俟陳設畢

奉薦物各陳於外序入都監香火內侍入就位再拜升

自東階由殿後詣神御室卷簾褰帳都監詣香案前搢

笏三上香執笏少退搢笏奉薦物恭置於神御前訖執

笏詣香案前再拜

逐位再拜並香火內侍供應

侍於側如食頃徹畢

灑熄香火下帷簾闔牖戶俱降復位再拜闔寢宮門訖

退

若永定陵則都監先詣真宗皇帝下宮行禮畢帥其屬詣章懿皇后陵闔宮殿門俟陳訖行禮並如上儀

訖闔宮殿門乃退

政和五禮新儀卷一百十九

欽定四庫全書

政和五禮新儀卷一百二十五

吉禮

皇帝視學酌獻文宣王儀

陳設

酌獻文宣王

視學

陳設

殿中監前期一日帥其屬尚舍設皇帝御幄於廟殿之

東南向儀鸞司設三公以下幕次於國子監門外稍東

量地之宜至日御史臺太常寺閣門設陪祠官班於殿

下如月朔視廟之儀太常設祭器於文宣王神位前光

祿實之左邊一實以鹿脯右豆一實以鹿鷩爵一在邊豆前犧尊

一在殿上前楹間實以供內法酒設香爐於神位前又設配享

及從祀位每位各左邊一實以鹿脯右豆一實以鹿鷩爵一在邊

豆前共設象尊四實以祠祭法酒一設於殿上前楹東一設於

前楹西其二分設於兩廡階北並加坵設太官令位於
文宣王酌尊所北向

酌獻文宣王

其日皇帝服鞞袍乘輦將至國子監禮部祠部郎官太
常寺本監并太學官學生奉迎於路左車駕由監門入
降輦歸幄禮直官太常博士太常卿立於幄前東向
禮直官通事舍人引三公親王使相執政官御史臺閣
門引尚書侍郎以下文武官各入詣殿下位闔門報班

齊太常卿詣御幄前俛伏跪奏太常卿臣某言請皇帝
行酌獻之禮奏訖俯伏興簾卷禮直官太常博士太常
卿前導皇帝出幄升自東階詣至聖文宣王神位前太
常卿奏請皇帝跪又奏上香再上香三上香侍臣執爵
詣酒尊所太官令酌酒以授侍臣侍臣跪以爵進皇帝
再拜贊者曰再拜在位官皆再拜太常卿前導皇帝降
自東階歸御幄簾降太常卿詣御幄前俛伏跪奏太常
卿臣某言禮畢奏訖俛伏興簾卷皇帝出幄乘輦赴太

學如別儀禮部祠部郎官太常丞博士及國子監太學
官請配享及從祀分奠如常儀

視學

尚舍局預設次於敦化堂後又設次於敦化堂上稍北
當中南向內鋪御座閣門設臣僚班於堂下如月朔視
朝之儀及設宰臣以下從官次於中門之外皇帝於文
宣王廟酌獻禮畢乘輦幸太學入至敦化堂上降輦入
次簾降更衣禮直官通事舍人引與講官入就堂下北

向位講書執經官學士各立於堂下東西相向俟閣門
報班齊皇帝出次升御座班首奏聖躬萬福知東上閣
門官詣御座前承旨臨階西向宣曰升堂通事舍人贊再
拜三公以下皆再拜分左右升堂各就位後少立起居
郎舍人左右侍立禮直官通事舍人引講書及執經官
就北向位班首奏聖躬萬福知東上閣門官宣曰升堂
舍人贊再拜講書及執經官再拜由東西階升堂立於
御座左右講書官在西東向執經官在東西向學生就

北向位舍人贊再拜在位者皆再拜分立於東西兩廊
皆北上內侍進書案牙籤以經授執經官稍前進於案
上舍人贊曰就坐宰臣以下並坐講書官講畢通事舍
人曰可起羣臣皆起降階東西相向立執經官降階講
書官於御座前致辭訖降階北向通事舍人贊再拜講
書官再拜如有宣答
即再贊拜次起居郎舍人歸本班知東上閣
門官宣坐賜茶通事舍人禮直官引三公以下各就位
北向通事舍人贊再拜三公以下再拜訖升堂各立於

後學生各就北向位通事舍人贊再拜應在位者皆再
 拜分立東西廊以北為上立定舍人贊曰各就坐上下
 皆就坐賜茶畢禮直官通事舍人引堂上官降階就位
 通事舍人贊再拜在位官皆再拜禮直官通事舍人分
 引以出次學生就北向位通事舍人贊再拜學生皆再
 拜退訖

若有特旨臨時謝恩皇帝降
 座還次乘輿還內如來儀

政和五禮新儀卷一百二十

欽定四庫全書

政和五禮新儀卷一百二十一

吉禮

釋奠文宣王儀

時日

齋戒

陳設

省饌

行事

時日

太常寺預於隔季以仲春上丁仲秋釋奠至聖文宣王

關太史局以其日報太常寺參酌訖具時日散告

齋戒

前釋奠五日應行事執事官散齋三日治事如故宿於

正寢不弔喪問疾作樂判書刑殺文書決罰罪人及與

穢惡致齋二日光祿少卿太一日於本司無本司者於

官令齋一日

太常齋舍質

明至齋所惟釋奠事聽行其餘悉禁前一日質明並赴祠所
官給酒饌釋奠已齋而闕者通攝行事

陳設

前釋奠三日儀鸞司設行事執事官次於祠所前一日

光祿陳禮饌於殿之東南南向牽牲詣祠所太常設省

饌位於禮饌之南三獻官在南北向西上分奠官位於

其後監察御史在西南向光祿少卿太樂令奉禮郎太

祝太官令在東西向北上凡奉禮郎以下位皆稍却大晟設登歌之

樂於殿上前楹間稍南北向釋奠日丑前五刻禮直官

贊者諸司職掌各服其服太常設幣篚各於神位之左

幣以祝版各於神位之右置於坫次設祭器皆藉以席

光祿實之正位至聖文宣王配位兗國公每位各左十

邊為三行以右為上第一行乾榛在前乾棗形鹽魚鱸

次之第三行菱次之第一行鹿脯在前右十豆為三行以左為上第一行芹菹

在前茨藜次之在前魚醢兔醢次之第三行豚拍在前鹿羶醢次之俎二一在邊

前實以豕腥七又俎六在豆右為三重以北為上第一

體其載如羊

實以羊腥腸胃肺離肺一在上端刳肺三次之腸三胃
三又次之一實以豕腥膚九橫載第二重一實以羊熟
腸胃肺一實以豕熟膚其載如腥第三重一實以羊熟
十一體肩臂臑肱胛正脊一直脊一橫脊一長脇一短
脇一代脇一皆二骨以並肩臂臑在上端肱胛在下端
脊脇在中一實以豕熟十一體其載如羊皆羊在左豕
在右
簋二簋二在籩豆外二俎閒簋在左簋在右
簋實以稻梁梁

在稻前簋實以黍稷稷在黍前
釧三在籩豆間
一在前二在後實以羹加芼滑
登二一

在釧前
實以大羹
一在籩左
實以肝膾
槃一在釧後
實以毛血
設犧尊

四象尊四為二重在殿前楹間北向西上犧尊在前皆

有坩加勺冪為酌尊
犧尊一實明水為上尊餘實泛齋代以供內法酒初獻酌之象尊一

實明水為上尊餘實醴齊代以祠祭法酒亞終獻酌之 又設太尊二在神位前著尊

一寔泛齊山尊一實醴齊各以一尊實明水 著尊二犧尊二象尊二壺尊六

在殿下太尊一實盞齊犧尊一實醴齊象尊一實沉齊各以一尊實明水壺尊三實玄酒三實三酒明

水玄酒俱北向西上加冪五齊三酒皆設而不酌藉以皆在上

席又設諸從祀位祭器每位各左二邊栗在前鹿脯次之右二

豆菁菹在前鹿藿次之俎一在邊豆間實以羊豕腥肉簋一在邊南實以稷

簋一在豆南實以黍爵一在邊豆之南兩廡各設象尊二

實以祠祭法酒太常設燭於神位前洗二于東階之東盥洗在東爵洗

在壘在洗東加勺篚在洗西南肆實以巾若爵洗之篚則又實以爵

加執壘篚者位于其後設揖位于南神門外三獻官在

西東向分奠官位于其後監察御史太樂令奉禮郎太

祝太官令在東西向俱北上開瘞坎于殿西北壬地方

深取足容物南出陛設望瘞位于瘞坎之南如省饌之

位惟不設太官令位又設三獻官席位于殿下東階之東西向

北上分奠官位于其後監察御史太樂令位于殿下之

南北向奉禮郎太祝太官令位于其後俱西向光祿少卿

席位于監察御史之東陪位生員位其後俱北向西上
又設監察御史位于殿上樂廡之北在西東向奉禮郎
太祝在東西向北上大樂令于樂廡北太官令于酌尊
所俱北向

省饌

前釋奠一日行事執事官集初獻齋所肄儀太祝習讀
祝文及視幣次禮直官贊者分引行事執事官就省饌
位凡初獻行事禮直官引饌官皆贊者引立定禮直官贊揖所司省饌具

畢禮直官贊省饌畢揖訖俱還齋所未後一刻太官令
帥宰人以鸞刀割牲祝史以槃取毛血置于饌所遂烹
牲脯後有司帥其屬掃除殿之內外訖還齋所

行事

釋奠日丑前五刻

行事春用丑時七刻秋用丑時一刻

初獻以下並赴祠

所就次太官令帥其屬實饌具畢次引光祿少卿入就
殿下席位北向立贊者曰再拜光祿少卿再拜升自東

階

凡行事執事官升降皆自東階

點視禮饌畢次引監察御史升殿點

闕陳設糾察不如儀者

凡點視及點闕皆先詣正位

次樂正帥工人

升東階各入就位光祿少卿還齋所餘官各服祭服次

引行事執事官詣南神門外揖位立定禮直官稍前贊

有司謹具請贊揖次引大樂令先入就殿下席位北向

立贊者曰再拜大樂令再拜升殿就位次引監察御史

奉禮郎太祝太官令入就殿下席位北向立次引三獻

官入就殿下席位北向立禮直官稍前贊有司謹具請

行事凝安之樂作三成止贊者曰再拜在位者皆再拜

次引監察御史奉禮郎太祝太官令俱升殿各就位立
定次引初獻詣盥洗位同安之樂作

凡初獻升降行止
皆作同安之樂

至洗位北向立搯笏盥手悅手訖執笏升詣文宣王神
位前北向立樂止明安之樂作搯笏跪次引奉禮郎進
笏西向跪執事者以幣授奉禮郎奉幣授初獻
執笏興先詣充國公神位前北向立初獻授幣奠訖執
笏俛伏興少退再拜次詣鄒國公神位次詣舒王位前
奠幣並如上儀樂止奉禮郎復位初獻將降階樂作復

位樂止少頃引初獻再詣盥洗位樂作至洗位北向立
搯笏盥手悅手執笏詣爵洗位北向立搯笏洗爵拭爵
以授執事者執笏升詣正位酌尊所西向立樂止成安
之樂作執事者以爵授初獻搯笏執爵執尊者舉冪太
官令酌犧尊之泛齊訖先詣充國公酌尊所北向立初
獻以爵授執事者執笏詣文宣王神位前北向立搯笏
跪執事者以爵授初獻初獻執爵三祭酒奠爵執笏俛
伏興少立樂止次引太祝詣神位前東向搯笏跪讀祝

文讀訖執笏先詣充國公神位前南向立初獻再拜次
詣配位每位行禮並如上儀太官令復詣正位酌尊所
太祝復位初獻將降階樂作復位樂止次引亞獻詣盥
洗位北向立搯笏盥手執笏詣爵洗位北向立搯笏洗
爵拭爵以授執事者執笏升詣文宣王位酌尊所西向
立成安之樂作執事者以爵授亞獻亞獻搯笏執爵執
事者舉冪太官令酌象尊之醴齊訖先詣充國公位酌
尊所北向立亞獻以爵授執事者執笏升詣文宣王神

位前北向立搢笏跪執事者以爵授亞獻亞獻執爵三
祭酒奠爵執笏俛伏興少退再拜次詣每位行禮並如
上儀樂止降復位次引終獻詣洗升殿行禮並如亞獻
之儀降復位初亞獻將升引分奠官詣洗盥手帨手訖
分奠殿內及兩廡諸神位搢笏跪執爵三祭酒奠爵執
笏俛伏興再拜分奠訖俱降復位禮直官曰賜胙贊者
承傳曰賜胙再拜在位者皆再拜送神凝安之樂作一
成止次引三獻官詣望瘞位有司各詣神位前取幣祝

版置于瘞坎次引監察御史太樂令奉禮郎太祝詣望
瘞位立定禮直官曰可瘞寘土半坎
凡瘞皆先省視訖乃瘞 初獻
以下詣南神門外揖位立定禮直官贊禮畢揖訖退太
官令帥其屬徹禮饌監察御史詣殿上監視收徹乃退

政和五禮新儀卷一百二十一

欽定四庫全書

政和五禮新儀卷一百二十二

吉禮

釋奠武成王儀

時日

齋戒

陳設

省饌

行事

時日

太常寺預于隔季以仲春上戊

仲秋上戊

釋奠昭烈武成王

闕太史局太史局以其日報太常寺太常寺參酌訖具

時日散告

齋戒

前釋奠五日應行事執事官致齋三日治事如故宿于

正寢不弔喪問疾作樂判書刑殺文書決罰罪人及與

穢惡致齋二日

光祿少卿太官令齋一日

一日于本司

無本司者于太常齋舍質

明詣齋所

惟釋奠事得行其餘悉禁前一日質明並赴祠所

官給酒饌釋奠官已齋而闕者通攝行事

陳設

前釋奠一日儀鸞司設行事執事官次于祠所前一日
光祿牽牲詣祠所次陳禮饌于殿之東南南向太常設
齋饌于位版禮饌之南三獻官在南北向西上分奠官
位于其後監察御史在西東向光祿卿大樂令奉禮郎

太祝太官在東西向北上凡奉禮郎以下位皆稍却大晟設登歌之

樂于殿上前楹間稍南北向釋奠日丑前五刻禮直官

贊者諸司職掌各服其服太常設幣篚各于神位之左

幣以白祝版各于神位之右置于坫次設祭器皆藉以席

光祿實之正配位各左十邊為三行以左為上第一行乾稊在

前乾棗形鹽魚鱸次之第二行鹿脯在前右十豆為三

行以左為上第一行芹菹在前荀菹葵菹菁菹次之第二行韭在前魚醢兔醢次之第三行豚拍

在前鹿醬醢次之俎二一在邊前實以羊腥七體兩髀兩肩兩脇并脊兩髀在兩端兩肩兩

脊次之
脊在中
一在豆前
實以豕腥七體其載如羊
又設俎六在豆右為三

重以北為上
第一重一實以羊腥腸胃肺雞肺一在上端刺肺三次之腸三胃三又次之一實以

豕腥膚九橫載第二重一實以羊熟腸胃肺一實以豕熟膚其載如腥第三重一實以羊熟十一體肩臂臑肫

胙正脊一直脊一橫脊一長脅一短脅一代脅一皆二骨以並肩臂臑在上端肫胙在下端脊在中一實以豕

熟十一體其載如羊
皆羊在左豕在右
簋二簋二在邊豆外二俎間簋在

左簋在右
簋實以稻梁梁在稻前簋實以黍稷稷在黍前
釂三在邊豆間
一在前二

在後實以
羹加芼滑
登二一在釂前
實以大羹
一在邊左
實以肝膾
槃一在

釂後
實以毛血
設犧尊四象尊四為二重在殿上前楹間北

向西上犧尊在前皆有坫加勺冪為酌尊

犧尊一實明水為上尊餘

實泛齊代以祠祭法酒亞終獻酌之

又設太尊二山尊二在神位前

太尊一實

泛齊山尊一實醴齊各以一尊實明水

著尊二犧尊二象尊二壺尊六在

殿下

著尊一實盞齊犧尊一實醴齊象尊一實沉齊各以一尊實明水壺尊三實玄酒三實三酒明水玄

酒皆在上俱北向西上加冪五齊三酒皆設而不酌藉以席

又設諸從祀位祭器每位各左二籩

栗在前鹿脯次之

右二豆

菁菹在前鹿鷄次之

俎一在籩豆間

實以羊豕腥肉

簋一在籩南

實以稷

簋

一在豆南

實以黍

爵一在籩豆之南兩廡各設象尊二

實以

祠祭
法酒

太常設祝于神位前洗二于東階之東

盥洗在東
爵洗在西

罍在洗東加勺篚在西南肆實以巾

若爵洗之篚則
又實以爵加坩

執

罍篚者位于其後設揖位于南神門外三獻官在西東

向奉禮郎太祝太官令位其後俱西向光祿少卿席位

于監察御史位之東本學陪位生員位其後俱北向西

上又設監察御史位于殿上樂廡之北在西東向奉禮

郎太祝在東西向北大樂令于樂廡北太官令于酌尊

所俱北向

省饌

前釋奠一日行事執事官集初獻齋所肄儀太祝習讀祝文及視幣次禮直官贊者分引行事執事官就省饌

位

凡初獻行事禮直官引餘官皆贊者引

立定禮直官贊揖所司省饌具

畢禮直官贊省饌畢訖俱還齋所次引監察御史詣厨省鑊視祭器濯滌及視牲充膷乃還齋所未後一刻太官令帥宰人以鷹刀割牲祝史以槃取毛血置于饌所遂烹牲脯後有司帥其屬掃除殿之內外訖還齋所

行事

釋奠日丑前五刻

行事春用丑時七刻秋用丑時一刻

初獻以下並赴祠所就

次太官令帥其屬實饌具畢次引光祿少卿入就殿下席位

北向立贊者曰再拜光祿少卿再拜升自東階

凡行事執事官升降皆自

東階點視饌禮畢次引監察御史升殿點閱陳設糾察不如儀

者

凡點視及點閱皆先詣正位

光祿少卿還齋所餘官各服祭服引行事

執事官詣南神門外揖位立定禮直官贊揖次引大樂令先入就殿下席位北向贊者曰再拜大樂令再拜升殿就位次

引監察御史奉禮郎太祝太官令入就殿下位北向立次
引三獻官入就殿下席位西向立禮直官稍前贊有司謹具
請行事凝安之樂作三成止贊者曰再拜在位者皆再拜
次引監察御史奉禮郎太祝太官令俱升殿各就位立定
次引初獻詣盥洗位同安之樂作凡初獻升降行止皆作同安之樂至洗
位北向立搢笏盥手帨手訖執笏升詣武成王位前北向
立樂止明安之樂作搢笏跪次引奉禮郎進笏西向跪執
事者以幣授奉禮郎奉禮郎奉幣授初獻執笏興先詣少

傅留侯位前北向立初獻受幣奠訖執笏伏俛興少退
再拜次詣配位前行禮搢笏如上儀樂止奉禮郎復位
初獻將降階樂作復位樂止少頃引初獻再詣盥洗位
樂作至洗位北向搢笏盥手悅手執笏詣爵洗位北向
立搢笏洗爵以授執事者執笏升詣正位酌尊所西向
立樂止成安之樂作執事者以爵授初獻初獻搢笏執
爵執尊者舉冪太官令酌犧尊之泛齊訖先詣少傅留
侯酌尊所北向立初獻以爵授執事者執笏詣武成王

神位前北向立搢笏跪執事者以爵授初獻初獻執爵
三祭酒奠爵執笏俛伏興少立樂止次引太祝詣神位
前東向搢笏跪讀祝文讀訖執笏興先詣少傅留侯神
位前南向立初獻再拜次詣配位行禮並如上儀太官
令復詣正位酌尊所太祝復位初獻將降階樂作復位
樂止次引亞獻詣盥洗位北向立搢笏盥手悅手執笏
詣洗位北向搢笏洗爵拭爵以授執事者執笏升詣正
位酌尊所西向立成安之樂作執事者以爵授亞獻搢

笏執爵執尊者舉冪太官令酌象尊之醴齊訖先詣少
傅留侯位酌尊所北向立亞獻以爵授執事者執笏升
詣武成王位前北向立搢笏跪執事者以爵授亞獻亞
獻執爵三祭酒奠爵執笏俛伏興少退再拜次詣少傅
留侯神位前行禮並如上儀樂止降復位次引終獻詣
洗升殿行禮並如亞獻之儀降復位初獻將升引分
奠官詣盥洗盥手帨手訖引詣殿內及兩廡諸神位搢
笏跪執爵三祭酒奠爵執笏俛伏興再拜在位者皆再

拜送神疑安之樂作一成止次引三獻官分奠官詣望
瘞位有司各詣神位前取幣祝版置于瘞坎次引監察
御史大樂令奉禮郎太祝詣望瘞位立定禮直官曰可
瘞寘土半坎凡瘞皆先省視訖乃瘞初獻以下詣南神門外揖位
立定禮直官贊禮畢揖訖退太官令帥其屬徹禮饌監
察御史詣殿上監視收徹訖乃退

政和五禮新儀卷一百二十二